

庶物類纂

蛇屬
十七

容

太政官文庫			
特別	和書門	類	架
三三六二	號	函	册
五十四番			
四六五			

內閣文庫	
番號	和 32362
冊數	465 (411)
函號	特 54 1

百内

共四十六



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak








庶物類纂蛇屬卷之十七目次
蛇

庶物類纂

蛇屬目次



蛇

竇武母產武時并產一蛇送之林中後母卒及葬未
 窆有大蛇自榛草出徑至喪所以頭擊柩涕血皆流
 俯仰啜屈若哀泣之容有頃而去按人生蛇本怪異
 不足信特以其載于正史且以武賢者之生而與蛇
 同胞又事之至異者故錄之

明張鼎思瑯琊代醉編

機謹按淵鑑類函初有搜神記曰四字無按以下
 之文有時人知為竇氏之祥八字
 楚人有見蛇蝎而必殺之者又有曲為之容而惟恐

博物類纂卷十七
 蛇屬
 蛇

人之傷之者或曰斯二者孰是郁離子曰其亦殺之者是而容之者非耳或曰人有害於人傷成而受罪律也今蛇與蝎未嘗傷人而輒殺之不已甚乎郁離子曰是非若所及也夫人與物之輕重較然殊矣蟲蛇之無知而欲以待人者待之不亦惑乎昔者周公命庭氏射妖鳥以救日之弓救月之矢又命摯簇氏掌覆妖鳥之巢著為典訓故孫叔敖見兩頭之蛇殺而埋之其母以為陰德君子不非焉况毒人之蟲中之者不死則瘕而曰必待其傷成而後可殺是以人

命同於蟲蛇其失輕重之倫不亦甚哉近世之為異端者以殺物為有罪報而大小善惡無所別故見惡物而曲為之容私於其身為之而不顧其為人之害其操心之不仁可見吾故曰是非若所及也

郁離子明識

意伯集

鼈與蛇相為牝牡相為生化有人發沙穴嘗見鼈與蛇俱鼈暮出取食跡在沙上蛇輒出為滅之鼈遺子蛇噓之輒成蛇久復為鼈三足者能音台天文斗奎下六星兩兩而比者曰三能鼎三足象之能亦三足

在旁二腹中一甲蟲之有神者人食之化為水郭相
奎嗜鼈行部瀘州吏以鼈進驗之三足乃投諸江作
活能說戒庖人毋再庖鼈因著為家令余亦有戒鼈
記明馮元成
超然樓集

通江縣之洞有二一曰龍洞在治西二百里吳埡鄉
洞周圍二十餘丈高三丈深七尺內有池殿清瑩湛
然一曰蛇洞在治北四百里南壩寺唐建也每歲端
陽前後有蛇自柱礎間出沿階滿室大小顏色非一
種然不為害昔人傳三萬四千尾不可數也按此即

巴蛇洞云明曹學佺
名勝志

字說曰蛇螫人也而亦逃人淵鑑
類函

稗海地三年種蜀黍其後七年多蛇上同

山中見巨蛇冠幘者名曰升卿呼其名則吉上同

酉陽雜俎曰巳日不宜殺蛇上同

瑣碎錄曰倒拖蛇不出以鍼割其尾即出上同

辨蛇雌雄以細軟物停蛇著上其躁繞者當知是雄

住不動者當知是雌如雜寶藏經律云白疊試蛇俱

住不同也上同

稽聖賦曰蛇曉方藥鳩毒禁咒大石使起取蛇食之

上同

廣雅曰螂蛆蜈蚣惟能制蛇上同

莊子曰螂蛆甘帶是也上同

三教珠英曰土勝水故螂蛆搏蛇舊說蝮食螂蛆食

蛇蛇食蟾蜍三物相值莫敢先動上同

詩經類考曰額有王字為衆蛇之長上同

通志曰淮江中獸名能能蛇之精冬化為雉春復為

蛇今吳下不食雉毒故也上同

埤雅南方多蛇精嘗化為人以呼行旅姓名若顧應

之夜必至棲所傷人土人養蜈蚣於枕中臥覺有聲

則啓枕放之蜈蚣乃疾馳蛇所啗其腦上同

酉陽雜俎曰蠻江蛇出南安至五六月有巨蛇泛江

岸首如張帆萬萬蛇隨之入越王城上同

寓簡曰宣和間蔡州有一士人家書室中忽然見小

蛇文章陸離蜿蜒几格間見人不驚畏不敢傷也每

日惟已時則見至午乃隱去日日如此士人異之因

伺其至則捕之置鐵絲籃中逮午視之則堅冷化為

石矣其質巧妙天成雖良工不能加也明日巳時則復蠕動既又復為石而屈伸盤結之狀日日不同士人寶蓄持至京師見中官梁師成梁歎曰此神物造化之所寓也禁中有玉鼠玉兔以其時見則其物也士遂獻之上同

搜神記曰漢武帝時張寬為揚州刺史先是有老翁二人爭山地詣州訟疆界連年不決寬臨復來寬視二翁形狀非人令卒持戟將入問汝何等精翁欲走寬呵格之化為巨蛇出上同

世說曰杜預為荊州刺史時有讌集大醉輒閉齋獨眠外聞齋中嘔吐其聲甚苦有小吏開戶看之止見牀上有一蛇垂頭牀邊吐都不覺人既出密言如此上同

埤雅廣要曰晉武庫中有野雉莫知所致張華曰雉側必有蛻蛇焉蓋蛇化雉也上同

北方介與蛇俱蟠必向壬有州木水土四種有紅者金翠者劉郁云訖立兒地蛇皆四跗口吐紫艷青蛙蛇最毒怒時毒在頭尾桑柴燒蛇則見其足四足蛇

則木僕苟印千歲蝮也淮南曰神蛇自斷其身而自
 相續隋煬遣人嶺南求得此蛇長三尺色錦似金熟
 視微黑解食肉而不毒人觸之怒則自斷若刀截怒
 定相就如故蛇死目閉斲蛇目開生舒州界一開一
 閉今在興國尾如指甲清皖桐方氏浮山此藏軒物理小識
 制蛇○雄精辟蛇唾蛇口則伏唾蛇身亦爛蛇畏鵝
 霍聲惡燒羊角薑黃氣多栽海芋白芷急性子蛇亦
 不近其蛻催生以塞耳治瘡物性志曰蛇甚飽則蛻
 冬含土蟄春吐為蛇黃惟烏蛇不齧物同上

怪蛇任臣案嶺表之蛇人面雲南之蛇岐尾治禡之
 蛇似鼠而捕鼠苟印之蛇如蛇而四足古都之蛇角
 號曰碧犀千歲之蝮精呼曰博叔凡皆蛇類絕怪者
 附記之清吳任臣山海經廣注
 蛇毒蟲艸木水火土五種尾如指甲其舌雙其耳聾
 其聽以目其蟠向壬其毒在涎其珠在口其行也紆
 其食也吞蛇交蛇則雄入雌腹交已乃退出交雉則
 生蜃及蝟艸居常饑食稍飽輒蛻冬含土入蟄春出
 蟄則吐之圓重如石謂之蛇黃世傳蛇無足陶弘景

庶物類纂卷十七
 蛇屬
 六

曰五月五日燒地令熱以酒沃之置蛇于上則足見
詳本草餘冬緒錄清廖文英
正字通

曹能始云蒼梧縣有三界廟廟中小蛇無數背青腹
赤目有火光嘗緣神身及蟠繞藤香土人以手接而

玩之甚馴習往來莫知其嚮有祈願越期未賽者蛇
輒至其家人驚曰神索願也友人鄭紱偕予至梧渡

江視之果然廟在火山之麓清來元成
博學彙書

宋史胡穎字叔獻湘潭人登進士第歷官為廣東經
畧安撫使潮州僧寺有巨蛇驚動人吏潮民皆信奉


之穎檄僧歸蛇至大如柱而黑色載以欄檻穎令之
曰爾有神靈當三日見變怪過三日則汝無神矣既

及期蠢然猶衆蛇爾遂殺之同上

乘涼睡熟蛇入人口并七孔者割猪尾血以器盛血
傍蛇瀉入口中出之卒為蛇繞不解以熱湯淋之急

迫無湯令人以尿溺之蛇蠍螫痛小蒜搗爛絞汁服
之以滓傳傷處又方以雄黃為末傳上日一易之又

方搗生豆葉絞汁服之以滓塗之良○入山辟衆蛇
乾薑麝香雄黃為末以小絳囊盛帶之蛇螫以蜜和



塗傷處又常燒殺羊角使煙出即去虎狼皆去如無

殺羊角燒水羊角亦可清張路玉醫通

蒼梧三界廟有蛇背青腹赤目有火光能噬不直者

平時蟠繞藤香倏忽往來莫知所之明蘇濬廣西通志

蛇異萬曆十八年夏初乳源前江多蛇啣尾自下而

上至燕口巖穴中一日夜始盡人擊之亦不為害廣東志

通志

蛇異弘治間有船往販占城者船中二十人將即山

而薪是夜船主夢神語曰明日斫山須多裹鹽寤而

異焉令同伴人負十許斤至山麓石潭深不可測二

十人者分朋而攻將暮忽聞聲殷殷如雷衆驚異升

木伺之俄有巨蛇蜿蜒幾五步其色正黑兩目如炬

山巔奮迅而下没于潭如雷者乃觸石崩隕之聲也

有蜈蚣長可七尺騰躍而逐之漩潭踔踔尾端毒沫

時時射潭內水色變如油抵暮潭面火燄高尺許船

人熟視乃自蜈蚣甲間出夜分循山而去光燁燁燭

山谷遲明下山觀之蛇蜷跼死潭間衆方驚喜曰裹

鹽之夢實神貺也乃以藤纜聯巨鐵鉤引蛇出平野

剥其皮厚如黃牛之革骨節中壅白醃其肉殆滿船腹衆乃輟薪載蛇以回船島夷之船或過而見其皮問何從得之為價幾何船主給曰五十金島夷付之不較復問肉價幾何曰百金又付之不較易載將發船主謂島夷曰若何急此島夷笑曰漢兒不識寶耳是乃龍也其皮鞞鼓聲聞二十里此皮中七鼓一鼓即償今值肉以為鮮貨于國中不知又幾倍矣船主懊恨自謂其不善賈也同上蔡君謨知福州以疾不視事者累日每夜中即夢登

鼓角樓憑鼓而睡通判有恠鼓角將累夜不打三更者因對數夜有大蛇盤據鼓上不敢近君謨既愈與通判言所夢正與鼓角將所說同遂以君謨為蛇精

東齋記事福州府志

萬曆十八年夏乳源縣前江中羣蛇貫穿一線自下而上至燕口巖穴中一日夜乃盡韶州府志

正德三年六月旱州人請雨於益石潭得小蛇背有金線歸奉建善寺旬日不雨衆懈蛇忽死棄於縣下洋榕樹上是夜風雨雷電交作榕折一遂詰且往視

蛇無有矣明年旱復請於是潭得小蛇與奮歲無異
迎回竭誠供禮霖雨隨至嘉靖五年秋旱霞浦人禱
雨請龍得大蛇如升貯以水缸結茅亭俾一人守之
馴擾不動衆異之以為真龍也一日緣柱升屋而去
守者援其尾為其反嚙而死

福州志

紹興三年會出為水災是歲梁大水蓋魚孽也三年
郡兵廬舍雞卵出蛇六年五月大水流民廬舍鄱陽
車門曹氏屋上生白蓮花高二寸濶三倍之次日化

為菊

饒州府志

順治五年戊子四月桐城東南鄉雞羽生爪距又蜘蛛小蛇產雞卵中擊之隨黃白流出其蛇或單或雙如紅線長寸許蜿蜒地上

安慶府志

嘉定有士人嘗訪一僧值其方睡因坐榻前待之忽見一小蛇自僧鼻竅中出蜿蜒至地其人異之取几上小刀插地蛇至其處如有所畏者俟收刀乃復行其人唾地蛇飮食之出戶外水潭中偃仰久之冉冉過花藥欄仍尋舊路登榻自鼻竅而入僧睡覺為其人言適夢出行遇盜植刃地上幾不能免見道旁水

如甘露食之甚美浴于海中樂甚乃入花園遊適而返不知何所感也

嘉定縣志

嘉定有王某者家頗豐年四十許得顛疾嘗號其家人曰我腰間沉重何不為我解却積數年不愈他日王有甥來省視憐其病篤因請與俱歸使遊衍適留數日病如故甥嘗使人隨之一日王散步後圃圍畜鶴一羣悉奔逸之爭啄其腰下會從者至麾其鶴去王懼然汗下覺病如失還語甥曰吾瘳吾適遭群鶴一覺輕甚快也甥喜往後圃見蛇大如椽死竹間猶

帶血王從是平復疑其疾是蛇所為蓋鶴善啄蛇也

同上

嘉靖己亥六月天目山崩

出田藝衡留書日札又云山崩石下出蛇十餘條未

幾條冠大擾東南多事以天目為杭主山也○於潛縣志

娜姑仙壇在縣西七十里隸遊仙鄉十五都漚頭里祀九天玄女其先不廟不宇依木而神鄉民立壇祀焉禱雨則靈蛇出現而雨隨之以降徐世溥曰天旱禱於其山往往得蛇盛以盒同仙姑迎歸旌幡笙鼓導之立壇度祀得雨則謝以金銀條脫云然能畫疆

施濡不灑未迎者之田此非蛇虺所能為也殆亦魚

眼之意歟 娜姑一日羅姑武公之女新志

元趙道一云洪崖井在伏龍山北巖左右石崖陡峻

春夏飛湍奔注聲洪如雷餘流為小溪注鸞坡有古

壇臨井上相傳為洪崖先生煉丹處有赤蛇浮水面

則雨如注同上

漢武帝大始四年趙有蛇鬪秋有衛太子事事自趙

人江充起廣平縣志

城中張比部員外家富盛甲第冠於二浙崇寧間大

興土木鑿池取土築堂址掘地數尺得一蛇細如箸

然蟠結穹隆其長不可勝計比部之子命僕夫斷為

數百截而輦去之凡運致十八九擔而後盡時人戲

目其堂為太歲堂然亦無恙夷堅志 姑蘓志

魚周詢在安州時園吏見大蛇垂欄楯視之乃周詢

醉而假世傳其異此與舊傳所載杜預吐酒人 見大蛇垂嘔事相類宋史○德

安府志


梁貞明中一日方曙有大蛇見於城之西南首枕於

城尾曳於濠南土地廟中其首大如五斗器怒目如

電張巨吻以屬城其身不翹百尺粗可數圍騰於羊
馬堞兼濠之上其餘尚蟠廟垣之內有宿城軍校猝
然過之大呼失魄而走一城洵懼莫知所由明年淮
寇圍城豈神先告之耶今無羊馬堞或即
羊集岡也○同上
染莊社記契丹時遼興軍風竄者行貨路收卵一於
篋歸置錦囊繫臍不月餘出蛇如簪飼之以肉每出
篋飼之漸長盈丈圍將尺許竊雖傾篋居之而力不
能任矣乃縱之野任其自食嘗命以名曰于雅撫首
視不忍別雅如人戀戀然但不能言而去後數歲益

大始食野禽繼而噬人有司制之無策乃聞于契丹
榜募能捕者竊知其必雅乃應募而抵放處呼其名
而至叙故舊而數其罪蛇俛首伏誅其血流及近村
土石悉染紅而莊以名莊老以竊能施恩除害而祀
之雅能知恩服罪而配焉是歲里人修祠落之記其
歲月碣石
叢談

鵲蛇鬪占○萬曆庚辰夏仲辛巳鵲蛇鬪于喜峯東
園已丑虜屯青山關殺守關百夫長又傷守關遊擊
劉世桂追兵初余館于漢莊大將軍圖修薊志余不



敢當命同客遊喜峯觴于八里水亭其北叢塚樹栖
鵲巢有一蛇立塚上一鵲下鬪而噪一鵲傍立噪而
不鬪從者以蛇竊其雛將助鵲擊之余阻之其鬪午
未數次不傷而止客問何祥也古占有之乎余曰蛇
鬪于城門則聞之春秋鄭厲公及京房傳有占鵲鬪
于庭樹則聞之齊書奚永洛而張子信有占未聞交
鬪者至五代史義武節度使王處直有黃蛇見碑樓
以為龍藏而祀之野鵲數百巢田中以為已德所致
而定人知其不祥曰蛇蝎山澤高處人室鵲本巢鳥

降而田居此乃小人竊高位上人失所居之象也處
直果廢而憂憤死以此測之其非吉歟夫鬪而鵲噪
為口舌也母乃我兵與屬夷鬪乎適轅門使至附聞
云邊關無書可徵惟武庫考之矣大將軍適飲于撫
臺出示張公曰是生亦饒舌哉張公曰不然是生有
徵乎及青山變作余歸漢莊矣大將軍馳書招同往
余曰非居武城之義也不去此而可往彼乎但答曰
叢塚凶地也今軍傷其應矣副將率爾逐之曷召之
歸乎其巢在都山大將軍甚危之又問余曰昔唐英

傑全軍雖沒此今卜鵲蛇可無事矣果不見虜而還
大將軍過漢莊謝而問焉余曰分守守土帥也鵲之
飛集不常猶今屬夷之首因討賞而盜殺比覺乃出
鬪旁者不為助則其黨攜矣鄭之內蛇死而子儀戮
奚之鳴鵲墜而永洛免今蛇鵲俱無傷帥酋不俱完
乎大將軍再拜曰蛇鵲不鬪于席次孰也知其非哉
彼亦知子矣而吾其舍諸必強而受簡余乃拜史命

上同
正德十一年六月鄧州雷擊殺蛇長丈餘黑雀數萬

壞禾苗雲南通志

常辰間傳馬伏波卒其所穿石窟有巨蛇如百斛大
船人指為其餘靈也伏波當駐軍時以地多瘴令合
茗葉茱萸芝蔴塩米研為湯名五味湯今朶源家家
皆然沅邑亦有之數千年遺風不變伏波之威德真
遠矣沅陵縣志

蛇姑嶺在鄭港西山為隣相傳有一農子僱于某家
為工性好浴每浴必于無人處掩身冬浴于房則閉
戶性誠朴除糞田以外無所知凡數年主人賢之贅

以女久之竊窺其浴坐水成蛇女問其故工曰子見之乎吾將去矣女泣曰吾父以妾身相托為子安土無他志冀一家之人倚君為歲穀耳今去不相負乎工曰翁農家也設遇旱吾當為雨以報女具告父父執之工不對而走踰山如騰雲涉水不見女從之奔至鄭港嶺望望而哭淚盡血流而死其父夜夢見女冠帔言得為本山蛇神可以救旱自是試之每禱果有一蛇出就人人知其為姑也以盒承之蛇緣盒盤踞其中歸而至壇壇中設水一缸蛇下盒就香案上

偃息或下缸浴或見或不見或隱去半日一夕或頃刻復來或有竟去不來者道士鑊鼓樂之粢盛貺之雨降足送蛇還仍以盒為輿禱日升輦簇以旌旂羽葆鼓吹到山請降輦蛇自行出盒而去或岩或草杳然後有禱或復此蛇來或又換蛇來長短大小青黃紫碧不一其色而性馴可捧皆鬻人送之者多以金環銀鈞繫其項尾識之稱蛇姑娘凡兒蛇所過雖大渴戒飲水如見水處則即于此下下于他處即不得需于祈禱之處矣

高安縣志

紹興十一年四月衡山淨居巖有蛇長二丈身圍數尺黑色而方文震死山水大至先是山氣遇夜輒昏至是始明衡州府志

嘉靖己亥六月天目山崩石下出蛇千餘條衢巖水災傷人按宋度宗甲戌天目山崩宋社遂屋今未出十年倭寇大擾東南多事亦杭之氣數然哉經山天目合志斬蛇溝在縣西三十里高祖斬蛇于此史記高祖被酒夜徑澤中令一人前行前者曰有大蛇當道願還高祖醉曰壯士行何畏乃前拔劍斬蛇蛇分為兩道

開行數里醉因臥後人來至蛇所有一老嫗夜哭人問嫗何哭嫗曰吾子白帝子也化為蛇當道今被赤帝子斬之故哭言訖忽不見後人至高祖覺告高祖高祖適心獨喜自負諸從者日益畏服豐縣志

安興鄉李溪有虞媪者因驟雨以杯承簷間水水中浮紅絲縷飲之遂孕及期產一蛇身具五色媪怖裹而投之溪每至溪浣洗蛇輒來就乳乳亦湧射蛇以咽承之既而厭惡之斫以刀正斷其尾蛇忽變頭角巨軀絳章風雨大作壅土成墩而媪已葬其中矣龍

出溪去行輒回首顧凡回者二十有四一回則成一灣俗稱為望娘灣由湖以達蕪湖江口不知所往每歲寒食及十月節前後必有風雷昏黑數十里遶葬處雨雹交下皆云龍祭掃至則河魚上壅居民持綱以俟有一人而獲魚數石者漁家每覘龍之出入以卜魚利如南入而北出則南湖獲倍于北北入南出作如之至今猶然

高淳縣志

萬曆十八年夏初縣前江中多蛇貫串如線自下而上至燕口巖穴中一日夜乃盡人擊之亦不為害秋

大有年冬霪雨相傳以為七十年未有此潦

乳源縣志

帝使羿斷修蛇于洞庭

湖廣總志

武昌有大蛇受食居神祠空樹中每出頭從人受食占曰不出三年有大兵大憂其後王敦肆逆

同上

開元四年六月郴州馬嶺山黑白蛇鬪白蛇長六七尺吞黑蛇至腹口眼血流黑長丈餘穿白腹出俱死

同上

蛇子港縣南九里世傳許遜至海昏上遼有巴蛇據山為穴吞吸人物遜卓劍于地對天默禱良久飛泉

涌出俄有赤鳥飛過曰時至矣亟臨蛇所符召海昏社公驅蛇出穴弟子吳世雲引劍劈其首甘戰施岑揮劍裂其腹一小蛇走出數丈縱之去六七里聞鼓譟未息曰顧其母弟子請追戮之曰此蛇五百年後若為民害吾當復出斬之以吾壇前松栢拂地為驗小蛇走寧遠鄉七里入港謠曰七里回頭望方知母命終

建昌縣志

論曰明初南康有蛇出于祠壇郡人驚而神之奔走祠祀貳守吳履罪巫十人投其主江中事具李贄藏書又宋人陳舉官轉運副使獲一小蛇化而為錢盛以銀合表上祐陵奉旨投河懲其詭誕具宋人王明清揮塵錄夫蚩尤能布霧而黃帝禽之涿鹿支巫祁為水恠而大禹鎖之龜山古著其文世傳其語豈曰盡誣然而拔宅者丘里之齊諧化炭者酉陽之緒說亦妄聽之而已

同上

漢庸嶺下北隰有巨蛇長八丈餘圍一丈里俗俱以為神立廟祀之歲用童女一人前後已用九女矣里人李誕名寄寄應募至期手一劍以犬并米資置石

穴口蛇聞香氣出噉之寄即放犬斬蛇蛇躍出至庭

而死東越王聞而壯之聘以為后南平本志延平府志

隆化元年蛇鬪於招遠樓并州招遠樓下有赤蛇與黑蛇鬪數日赤蛇死陳大

建八年周建德五年也○陽曲縣志

蛇最大者曰蚺蛇次者曰黃礫已收藥中次大而毒

者曰黑號曰白頸號曰長標小而毒者曰七寸錦曰

青竹皮曰簸箕抽曰爛竹柴噉人即死中之者熊膽

和酒急服可救陽春縣志

蛇不甚毒者曰慈縵曰烏梢毒者曰赤練曰黃風曰

菜花毒甚者曰青竹曰土虺亦有兩頭蛇常有人見

之不死也丹徒縣志

種類不一有蚺蛇極大能吞噬走獸其肉可療風疾

其餘毒蛇噬人有立斃者大小殊夥處渚水者各水

蛇頗不為害有捕鼠者亦少毒漳浦縣志

蛇腹行之蟲性最毒其種甚多蛻可入藥懷寧縣志

蛇以眼聽每盤常向壬地金壇縣志

蛇有烏稍蛇菜花蛇青竹蛇俱性毒能殺人江西新城縣志

蛇種類甚多曰水蛇曰草花蛇皆水處曰紅蛇青竹

蛇百步蛇皆陸處又有飯匙蛇有數箕甲蛇泉州府志
蛇種類甚多不出水陸二種有七寸錦青竹斂箕神
爛竹柴白頸諸名最毒為蝮蛇五采膽療折傷純雌
無雄見男子則不動見女子則好逐白花蛇有毒諸
蛇鼻向下獨此向上背有方勝花紋以此得名用之
去頭尾投酒浸三日棄酒不用火炙仍盡去皮骨又
有烏蛇無毒治大瘋用之炙入丸散浸酒合膏圖經
云背有三稜色黑如漆性善不噬物多在蘆葦中嗅
其花氣亦乘南風而吸最難採捕多于蘆葦枝上得之

至枯而死眼不陷稱之重三分至一兩者為上封川縣志

有黃赤青白烏綠花香等數種仁和县志

蛇其種不一生水中者名水蛇嘉興府志

蛇其種不一埤雅曰蛇盤向壬壬北方也惟蝮蛇胎

產裂母腹而生最毒汀州府志

蛇有數種蝮蛇胎化腹裂子生最毒青竹蛇與竹同

色小而不可犯花蛇好入人家捕鼠食之惟烏蛇不

螫人醫家用之絕大者曰蚺蛇膽可和藥它又有白

花白頭黃領之類三山志

蛇魚屬連行蛇屬紆行詩曰委蛇委蛇蓋取此曹縣志

蛇種類不一俱有毒惟尾梢尾貫百錢者可以已大

風療瘡癩故俗呼為風梢九江府志

蛇有烏梢蛇有菜花蛇俱性毒能殺人每盤帶向土

地一名寸白蛇一名兩頭蛇鉛山縣志

蛇十餘種青竹蛇與竹同色花蛇黃色嘉捕鼠腹蛇

胎化腹裂子生最毒惟烏蛇不螫人台州府志

蛇數種烏梢蛇可釀酒已風最毒者名五步蛇水有

兩頭蛇常山縣志

蛇其種多青稍烏稍時鰻其秤星赤練灰地匾三種

傷人至死嘉興縣志

蛇其類有烏梢蛇純黑可以治大麻瘋青竹蛇有

蚌蛇大者身長數丈圍三四尺其肉可食其胆可以

行血凡人跌傷打傷欲死者服之即活德慶州志

蛇被其毒急服麻油以雞子攢口吸其毒盡而愈其

蛇入藥祛風南昌府志

蛇毒蟲也其名雙其耳聾其聽以目其毒在涎世傳

蛇無足陶弘景曰五月五日燒地令熱以酒沃之置

蛇于上則足見種類甚多一名山辣長七八尺食鼠
不傷人一名龜殼花背有紋如龜紋一名飯匙倩頭
扁如飯匙見頭昂二三尺惟尾貼地噴鼻有聲一名
青竹絲長一二尺色青如竹故名三者啣人最毒一
名松栢根螫之迅於百步一名草花仔小而花不傷
人諸羅縣志
異蛇宋度宗時益州產大蛇皆有黃花斑身甚長神
光遠燭口吐椒花香薰灼數里殺人畜無數府差甲
士千餘人撲捕蛇以尾掉以尾捲溺死者甚衆帝命

張真人及蜀中法士治之戮死遺骨如山四川總志

蘇
物
類
纂
卷
十
七



